

مکملہ ادبی و سیاسی رسالہ

❁ ادبی و سیاسی رسالہ اسبوعیہ در ❁

۳۱ نجی سنہ

جزو عدد : ۱۳۶

❁ پنجشنبہ ❁

۱۸ ربیع الاول ۱۳۳۰

دنيانك اڻ بختيار آدمي

ملياردر قارنهي و تبرعاني

بالادہ کی عنوانی اوقویو بدہ آئندہ کی (ملياردر قارنهي) نامی کوزہ چارنهي،
بختيارلنی تأمين ايدن وسائلک اڻ مهمی پک بيوڪ بر ثروت ويساره مالک
اولمقندن عبارت بولندينی، حقندہ ايراد ملاحظيات ايدہ جکمزہ ذاهب اولہ جقلر
بولنہ بيلير. عجبا بيوڪ بر ثروت صاحبي اولمق، قاصه لرنده مليونلر، حتی مليارلر اذخار
ايتمش بولمق، حقيقت حالده تأمين بختياری ايدہ بيليرمی؟ سلطان سليمان قانونی کي
عظمت واقندارک، شکوه وسطوتک مرتبہ قصواسنی احرارز ايتمش بر تاجدارک،
يوز يکرمی بش مليون تبعه يہ توزيع مطايعت ايتديکی و حکم ونفوذ سياسيسی
بتون اورويابه شامل اولدينی بر صرمدہ :

« اقليمہ دولت جهانده بر نفس صحت کي »

ديديکنہ باقيليرسہ، گرک ثروت وسامانک، گرک شکوه وشانک انسان ايچون
بوعالم فانيدہ بختيارانہ امرار حياتی تأمين ايدہ جک اسباب و وسائلک باشليجلرندن
اولمديغنه قناعت کتيرمک ايجاب ايدر.

زمانمزده ايسہ ترقيات مدنیه احتياجات بشريه يی اومرتبه لردہ تکثير وتنويع
ايتمش و بونک نتيجه ضروريه سی اوله رق اخلاق عموميه ده تمايلات حرص وحسد
اودرجه لردہ کشايش بولمشدر، که بوگون بالخاصه مدنيتک نصاب کماله واصل اولدينی
ممالک خلقنه « بختيار اولمق نه يہ متوقفدر؟ » بولندہ برسوال ايراد ايديله جک اولسہ
آلنه جق جوابلردن اکثرينسک « زنکين اولمقندن عبارتدر » مآئندہ بولنه جغنه شبهہ
ايديله مز. واقعا ينہ اوممالکک يتشدبرديکی عقلا و حکما ايچندہ گرک موعظه لريله،
گرک آثار منتشره لريله ثروتک هيچ بروقت غايہ بختياری به ايصال ايدن بر واسطه

اولدینگی ایضاح و اعلان ایدنلر بولغیور دکل . حتی بالذات بک بیوک ثروت صاحبی اولان ذوات آرمسند بیللر احتیاجات طبیعیهی وسط مرتبهده تأمین ایدم بیللر بک مقداردن فضلر ثروتک فائده سز اولدینگی صور مختلفه ایله اعلان ایدم رک دنیاده اک بیوک بختیارلرک بنی نوعم ابراز معاونت ایتک و خاصه قناعتله یاشامقدن عبارت بولدینگی اثباته چالیشانلرده وار . بو جمله تک سرافرازی اولمق اوزره آمر بقالی قارنه چی کوستریله بیلیر .

قارنه چی ، معلوم اولدینگی اوزره ، هم دنیانک الک زیاده ثروته مالک اولانلردن ، هم ده امور خیریه و انسانییه الک چوق بذل نقود ایلیانلردن بریدر . وقتیلر بر منسوجات اعمالات خانه سنده چراق ایکن یومیهلرندن آرتدیرم بیلدیکی بش اون یارینی تصرف ایتک صورتیلر بوگونکی درجه یساره واصل اولان قارنه چی ، الیوم کندیسجه غایه املک ، حین وفاتنده ممکن مرتبه آز ثروت برافقندن عبارت بولدینگی هروسیلهدن بالاستفاده اتیان ایلکده در . فی الحقیقه قارنه چی ارباب احتیاجه اییلک ایتک قدر بیوک بر بختیارلق تصور ایدم میور و ایشته یالکیز بواعتبار ایله ثروتک بختیارلره خادم اوله بیللر چی ادعاسنده بولغیور . عادتاً فقیر بر حلاله وفات ایتک خصوصنده کی املتی خیز حصوله کتیرمک ایچون هروسیللر ایله غایت عظیم مقدارده مبالغ توزیع و ابذال ایلکدن ، مؤسسات خیریهیه بیوک بیوک اعانه لر اعطا ایتکدن ، خلاصه بر چوق سنه لرک مساعی تعب ناپذیریله ادخار ایلدیکی ، ثروت جسمه سنی معرض تداول انامه چیقارمقدن چکنمیور .

کندیسی اساساً ساده صورتده امرار حیاتدن ذوق آلدینگی جهتیله عمرینی زوجیه سیله یکانه کریمه سی آرمسند هردرلو آرایشدن عاری اوله رق کچیرمکده و الک بیوک اکنجیه سی ایسه اولانغی و بالقی طومقدن عبارت بولغیورده در . قارنه چی ، زنکیئلکه ، حیاتده موفق اولمغه دائر بعض آثارده نشر ایتمشدر . بو اثرلردن برنده شوسوزلری سولیلور :

« بن زوجیه و کریمه سی بیوک بر ثروتک بار حسد و حرصی آلتنده برافق ایسته م . ثروت ، آنجق ابناء نوعمزه اییلک ایدم بیللمک اسباب و وسائطنی احضار

ايتمك اعتباريله تأمين بختيارى ايلر . اك بيوك بختيارلق ، بشقه لرني مسعود ايتدن عبارتدر .

بو زنكين و انساييتپرور آدمك شمدي به قدر وقوع بولان تبرعاتندن باشليجه -
لرينك مفرداتي ايله يكوني بروجه آتيدر :

۴۵,۰۰۰,۰۰۰	افعال قهرمانده بولنانلره مكافات ويرلك اوزم
» ۱۰۰,۰۰۰,۰۰۰	تدریسات مختلفه ايجون تخصیصات
» ۱۱۰,۰۰۰,۰۰۰	واشینغتونده قارنه جي مؤسسہ سی
» ۱۰۰,۰۰۰,۰۰۰	آمریقا و قانادا مکتب لری نه
» ۳۵,۰۰۰,۰۰۰	انگلتره مکتب لری نه
» ۵۰,۰۰۰,۰۰۰	اسقوجيا دارالفنونلری نه تبرعات
» ۲۵,۰۰۰,۰۰۰	دوفنه و لاین مؤسسہ سی
» ۱۱۰,۰۰۰,۰۰۰	پیسبورغ قارنه جي مؤسسہ سی
» ۲۰,۰۰۰,۰۰۰	دمیر اعمالاتی عمله سنه تبرعات
» ۷,۵۰۰,۰۰۰	آمریقا جمهوریت لری داره سی
» ۵۰,۰۰۰,۰۰۰	لاهی صلح حکمه سی بناسی
» ۲۵۰,۰۰۰,۰۰۰	بین الملل صلح ايجون تخصیصات
» ۱۲۵,۰۰۰,۰۰۰	قارنه جي مؤسسات مختلفه سی
» ۱,۰۷۷,۵۰۰,۰۰۰	يكون

بر میلیاری متجاوز اولان شو يکون قارنه جينک نه قد سنجی القلب اولديغنی .
ثروت جسميه سنی حسن استعمال خصوصنده نه علوی حسابات مرؤتسازي ايله مفظور
بولنديغنی اثبات ايدر . حال بوک بويکون آمريقالی میلیاردك ارباب ضرورته ،
محتاج معاونت اولان پک مختلف کیمسه لره هر آن ابدال و ایشارندن خالی قالمديغنی
دها اوفاق مقیاسده کی لایعد و لایحصا تبرعات واعانات داخل دکلدیر .

